

幸魯盛典

八冊

幸魯盛典卷二十五

聖駕幸魯恭十律

有序

左春坊左中允兼翰林院編修

皇帝御極之二十三年海宇清晏雨暘時若文德覃敷

聲教四訖於是勤

法駕幸魯郊祀

先師孔子再移

蹕展墓

親灑宸翰勒碑顏額製檜賦及詩以垂訓來茲傳示無

極

辛酉盛典 卷二十一
賜東野之爵卹先儒之裔下至陪祀諸臣無不仰沾
聖澤異數隆文具載

盛典臣職忝詞苑伏見

皇帝崇儒重道稽古好文書契未有宜作爲歌詩導揚
美善不敢以淺陋不文爲辭謹臚叙前事撰五言
詩十章以竊附於虞書賡載歌之義其詞曰

明倫三代重視學百王同幾見移

仙仗親來祀魯宮雍雍瞻拜肅穆穆悃誠通

輦路歡聲徹

今皇禮數崇

其二

九儀方告備展墓復停

鑿文楷干霄直長松倚壑寒風來聽絲竹日落想衣

冠曲蓋留

恩寵從今重禮官

其三

銘功還勒石鼉夙講堂前

御筆蛟彫舞

高文日月懸硬黃存楷法飛白見真傳十字延陵碣輝

光相後先

其四

高檐

親署額揮灑動乾坤一觀

天章麗羣知師表尊寒光凝壁沼壯采眩橋門萬世儀
型立微言更討論

其五

老檜聳千尺當時手自栽經寒不改操歷久見奇
材聖道真如此

王言實大哉良辰披卷讀雲漢互昭回

其六

至聖羹牆見題詩志景行微言探玉簡條理應金
聲游夏何由贊臯夔孰敢賡寧惟風雅事五字得
長城

其七

官禮元公定貽謀百代遵明堂圖自在東野澤將

湮

天子思功德書生列縉紳魯源誇父老重見繡裳新

其八

一中遙授受異代見傳心統系存濂洛危微自古

今守先家學遠啓後

國恩深四姓齊肩日長聽絃誦音

其九

升堂羣執事拜舞覲

天容莫竿兩行肅循牆三命恭何當

頒爵賞取次到章縫濟濟欣相告新沾雨露濃

其十

學竝尼山峙

恩隨泗水流非成書一代何以法千秋藝苑傳歌咏儒

林備纂修

興朝典禮在什襲儼共球

大駕幸闕里頌

并序

右春坊右中允兼翰林院編修

臣胡會恩

臣聞德藝之宗均爲樂祖道法之萃彙於

紫王百辟藉其師資二儀耀其符采是以昌平誕降
瑞應端門曲阜旣遷名仍鄴里城北藏經之壁序
立鐘鏞泗濱臥斧之封壇存瓊甍鴻號頻加於累
代隆文有待於

聖朝我

皇上乾德時乘泰符躬叶霽臺偃伯武庫韜戈西序東
膠夙聞憲乞名山顯位亟望升中顧乃典陋金泥

文芟玉簡歲維星紀律轉黃鐘旣輯瑞以陳風聿
省方而正俗

駐鑾輿於充土羅

法從於孔林用修釋奠之儀丕振右文之治舞陳八
佾綴兆咸齊樂奏三終俎殽畢備裸將展恪肅拜
加崇於是

臨絲竹之堂進褒成之裔繹微言於魯論闡奧旨於
義爰周覽瑩林徘徊廟寢象環綦組儼覲衣冠文
檜靈著如親手澤

宸章遄瀝

奎畫旋昭鸞軒鳳翥之煒煌玉振金聲之條理固已光
懸日月色映球圖矣若乃上公紫綺之

頒榮分藻火四氏清華之秩寵溢簪裾由茲掃闢榛
蕪宏開聖域昭回雲漢屹峙豐碑沛蠲租置戶之
仁舉衛道崇儒之事此皆

皇上心源獨契先後同符統緒相承古今特立之盛軌
也小臣弇鄙備職禁林敬播頌聲以昭曠典頌曰
維

皇受命藝極陳常武功用戢文德乃彰納民軌物養士
膠庠覃我

聖化敷我

王章廣厲學宮以弘儒術六經煌煌功歸剛述是集大成教思洋溢

帝曰欽哉奉茲表帥爰修肆覲駕言徂東樂御德車肅肅雍雍百爾執事莫不率從宮牆戔戔孔子舊宅有鬱者塋徠松甫柏禮器攸存儒風大闢

天步式臨攬厥勝只載拜展謁必恭敬只洋洋聖澤惟游泳只升堂入室美莫罄只豆登在列金石在懸儀型載仰有縱自天侑以玉爵肆以朱紘兩楹旣奠式禮莫愆廼陟講堂講堂翼翼廼周宮庭宮庭

殖殖廼汲甘泉廼撫嘉植草木向榮山川潤色有
斐

天章藻耀高翔有輝

寶翰金薤琳琅爲典爲則于羹于牆欽茲道德世祀彌
長廼官聖孫廼錄賢系載弁俅俅以繩以繼羽葆
纓紛以光廟祭文綺豐貂以

錫哲嗣廓聖之緒惟

帝之功鉅典昌明闕里之宮皇哉

湛恩昭哉禮容尼山大宗永紹厥封前有周公後有孟
子竝勒碑銘以綏仰止

帝紘皇綱載揚休美於萬斯年垂光信史

皇帝幸闕里釋奠恭紀

右春坊右中允兼翰林院編修臣李澄中

前年甲子十月時

皇帝問俗先尊師諸侯朝會泰嶽畢

翠華更指泗水湄左毫右社兩觀出層城曲阜何逶迤登堂禮器制度古山鼎玉豆兼鼎彝麾旛首尾雜綵繪應鼗響答笙管吹翩翩翟籥自萬舞猗那歌頌無參差我

皇盥獻肅再拜微風不動揚靈旗於昭

至聖儼陟降馨香明德遙相追杏壇卓立懷英字書

藏魯壁間金絲老檜依稀記手植風霜駁蝕苔蘚
皮旋紋屈蟠金鐵骨蒼鱗怒茁虬龍枝更遵輦路
謁

聖墓石壇一望形纍纍千章喬木絕鳥雀楷旁剩有
藁生著真宗東封駐蹕處至今亭子留遺規

宸章高揭懸日月十行仰睹爾雅辭詩律賦記妙風格
天葩燦爛雲霞垂鳳蓋

賜出表異數

御額題作千年基廟中玉節寒旖旎檐前金薤春葳蕤
鬼神歲歲共呵護屏除水魅奔妖螭世官博士逮

四子元公遺愛分諸姬

聖朝名器豈濫與要爲吾道存綱維漢帝太牢誌過魯
貞觀釋奠弘唐治豈若吾

皇闡精一修明經傳文在茲幸逢盛典愧揚厲恭頌辟
雍明堂詩